



# Innkalling av Alver formannskap

**Møtedato:** 15.06.2023  
**Møtestad:** Kommunehuset Frekhaug, Formannskapssalen  
**Møtetid:** 09:00 -

Eventuelle forfall må meldast til <https://www.alver.kommune.no/innhald/politikk-og-hoyringar/politikk/melde-forfall-til-politiske-mote/>

Varamedlemmer møter berre etter nærare avtale.

Strategisamling

## Sakliste

| Saknr  | Tittel                                                |
|--------|-------------------------------------------------------|
| 069/23 | Godkjenning av innkalling og sakliste                 |
| 070/23 | Busetting av flyktningar – justert oppmoding for 2023 |
| 071/23 | Rettet emisjon - Gløde Utvikling AS                   |

8. juni 2023

Sara Hamre Sekkingstad  
ordfører

Tove-Mette Arnø Fyllingen  
møtesekretær

**Arkiv:** <arkivID><jpID> FE-033  
**JournalpostID:**  
**Sakshandsamar:**  
**Dato:** 08.06.2023

Saksframlegg

| Saksnr. | Utval             | Møtedato   |
|---------|-------------------|------------|
| 069/23  | Alver formannskap | 15.06.2023 |

### Godkjenning av innkalling og saksliste

#### Kommunedirektøren sitt framlegg til vedtak:

Innkalling og saksliste vert godkjent.

**Arkiv:** <arkivID><jpID> FA-F30  
**JournalpostID:**  
**Sakshandsamar:**  
**Dato:** 07.06.2023

Saksframlegg

| Saksnr. | Utval              | Møtedato   |
|---------|--------------------|------------|
| 070/23  | Alver formannskap  | 15.06.2023 |
|         | Alver kommunestyre |            |

## Busetting av flyktningar – justert oppmoding for 2023

### Kommunedirektøren sitt framlegg til vedtak:

Kommunestyret godkjenner å busetje 185 flyktningar i 2023 tråd med oppmoding frå IMDI.

Vedtaket inkluderer ikkje familiesameinte.

### Politisk handsaming

Saka skal til innstilling i formannskapet

Saka skal avgjerast i kommunestyret

### Bakgrunn

Alver kommune blir oppmoda om å busetje 185 flyktningar i 2023. Dette er ein auke på 5.

Kvart år oppmodar Integrerings- og mangfaldsdirektoratet (IMDI) kommunar om å busette eit bestemt tal flyktningar i det komande året. Oppmodingstalet er sett ut i frå nasjonale prognosar for trong for busetting. Nasjonale prognosar for 2023 er justert og kommunane er bedne om å være budd på å busette fleire flyktningar. Ei endring i prognosetal var varsla i den opprinnelege oppmodinga der Integrerings- og mangfaldsdirektoratet (IMDI) ba kommunane være budd på at busettingstalet kunne endrast i løpet av året. I kommunestyret sak 174/22 gjorde kommunestyret følgjande vedtak:

«Kommunestyret godkjenner å busetje 180 flyktningar i 2023 tråd med oppmodingar frå IMDI. Vedtaket inkluderer ikkje familiesameinte.

Kommunestyret er positiv til å busetje fleire flyktningar enn oppmodingstalet for 2023, men ber om ny sak om dette skulle bli aktuelt. “

### Vurdering

Alver kommune busette 195 flyktningar i 2022 og har så langt i år busett 90. Av dei 195 flyktningane som vart busett i fjor returnerte 20 i 2022. Det er i dag ingen flyktningar som står på vent for å bli busett i Alver då kvar

utsøking vert handsama fortløpande. Dei fleste som vert busett i år er ukrainarar og det er grunn til å tru at det kun er eit fåtall flyktningar frå andre land som kjem til Alver.

Oppmodinga frå IMDI til Alver om å busette totalt 185 flyktningar er ein auke på 5. Kommunedirektøren vurderer at den justerte oppmodinga er beskjeden for kommunen vår. Det endelege tal flyktningar til Norge i 2023 er framleis usikkert. Vurderinga som ligg til grunn for kommunestyret si handsaming i desember er framleis aktuell.

Så langt i år har vi framleis klart å finna bustad til dei som er utsøkt til kommunen. Det er eit omfattande bustadarbeid som ligg bak det å finna rett bustad til dei som kjem.

Barn har fått tilbod om barnehageplass og skuleborn har fått skuleplass.

Vi ser ikkje at gruppa flyktningar som er busett i 2023 har hatt ekstraordinær trong for helsetenester så langt utover det ein må rekne i samfunnet forøvrig.

Vaksenopplæringa har auka kapasiteten ved å omorganisere tilbodet. I kombinasjon med språkverkstad, andre frivillige tilbod og ei rekkje digitale tilbod, er høve til å læra seg norsk forsvarleg. Det er utfordringar knytt til det å skaffe språktreningsplass til alle.

Alle vaksne flyktningar som kjem har rett på introduksjonsprogram og nær samtlege ukrainarar vel å ta i mot tilbodet. I revidert nasjonalbudsjett er det forslag om å auke retten til norskundervisning til 1,5 år for dei med kollektiv beskyttelse. Retten til introduksjonsprogram er på maksimalt 1 år for personar med fullført vidaregåande opplæring. Dei fleste ukrainarar har fullført vidaregåande skule og vil såleis ha rett på maksimalt eit år introduksjonsprogram.

Dei første ukrainarar som starta introduksjonsprogram i fjor går ut av programmet i juli. Ein del har fått sesongarbeid eller deltidsarbeid og vi ser at dei fleste framleis har trong for NAV sine tenester etter endt introduksjonsprogram.

Sjølv om dei fleste ukrainarar har utdanning og arbeidserfaring ser vi at det er utfordrande og sikre overgang til arbeid i det norske samfunnet. Heilt frå busettingstidspunktet startar «jobben med å finna seg ein jobb». Kommunedirektøren vil oppfordre alle arbeidsgjevarar i regionen vår om å vurdere tilsetting av flyktningar då arbeid er ein føresetnad for å sikre at flyktningar vert sjølvberga og arbeid er med å sikre god integrering.

Kommunedirektøren vil på nytt framheva den frivillige innsatsen i arbeidet med å busette og integrere flyktningar. Vi treng den frivillige innsatsen like sterkt framover som den har vore fram til no.

#### **Vedlegg i saken:**

|            |                                                              |         |
|------------|--------------------------------------------------------------|---------|
| 08.06.2023 | Justert oppmoding om busetting 2023 - Alver kommune(1062805) | 1942421 |
| 08.06.2023 | KO sak busetting av flykningar des.2022                      | 1942422 |

Alver kommune  
Postboks 4  
5906 FREKHAUG

**Dykkar ref.:**

**Vår ref.:** 22/39017

**Dato:** 31.05.2023

## **Justert oppmoding om busetting 2023 - Alver kommune**

Integrerings- og mangfoldsdirektoratet (IMDi) ber om at brevet vert distribuert til:

- Ordførar
- Kommunedirektør/byrådsleiar

Det ekstraordinært høge talet på flyktningar frå Ukraina held fram med å vekse som resultat av Russland sin invasjon i februar 2022. Dei humanitære følgjene er dramatiske i Ukraina. I Europa er det meir enn 8 millionar fordrevne menneske frå Ukraina.

Då krigen starta, oppmoda IMDi alle kommunane i landet om å busette flyktningar. Til saman busette Noreg rekordmange flyktningar på kort tid. Kommunane har gjort ein særskild viktig innsats for å handtere situasjonen. Det har aldri kome så mange flyktningar til Noreg i moderne tid, og det kjem stadig ukrainske flyktningar over grensa til Noreg.

Kommunane har ei nøkkelrolle i busettinga og integreringa av flyktningane som kjem til Noreg. Tilbakemeldinga frå oppmodinga for 2023 viser at det framleis er stor vilje til å busette flyktningar. Samstundes er behovet for busetting i Noreg større enn den kapasiteten kommunane har meldt inn.

Oppdaterte prognoser frå utlendingsforvaltinga peiker på eit økt busettingsbehov i inneverande år. Behovet er dermed større enn det som låg til grunn då oppmodinga vart sendt i fjor. Det er no naudsynt å auke talet på busettingsplassar. IMDi sender difor ei justert oppmoding om å busette til saman 38 000 flyktningar i 2023.

Innsatsen kommunane gjer for busetting og integrering av flyktningar i Noreg vert minst like viktig i tida framover. Talet som kommunane vedtek og gjer tilgjengeleg for busetting, vil ha ei

avgjerande betydning for vår samla evne til å ta hand om flyktningane som kjem til Noreg. Det er viktig at kapasiteten til å busette flyktningar justerast i tråd med det nye behovet. Vi oppfordrar difor kommunane til å fatte vedtak i tråd med oppmodinga.

Regjeringa har foreslått fleire verkemidlar for å støtte kommunane i arbeidet med å auke busettinga. Det er eit forslag i revidert nasjonalbudsjett for 2023 at kommunane får eit ekstra tilskot på 50 000 kroner for kvar flyktning dei busetter utover opphavleg oppmoding frå IMDi i november. IMDi vil samstundes bidra med støtte og rettleiing til kommunane for vidare busetting og integrering av flyktningar i året som kjem.

### **Justert oppmoding for 2023**

IMDi har fått innspel frå fylkeskommunane i arbeidet med fordelinga av oppmodningstalet til kommunane. Ettersom dette er ei justert oppmoding, ligg dei same oppmodingskriteria og vurderingane for 2023 til grunn som i den opphavlege oppmodinga for i år.

### **Med bakgrunn i den nye situasjonen oppmodar IMDi difor Alver kommune om å busette til saman 185 flyktningar i 2023. Dette er ein auke frå 180 busettingsplassar i 2023.**

Behovet for busetting av desse flyktningane gjeld for heile året og ein kan vente fordelingar utover året.

Plassar som ikkje vert nytta i 2023 overførast ikkje til 2024. Personar som er søkt ut til kommunen i 2023, men som først vert registrert som busett etter årsskiftet, vil telje på kommunens vedtak for 2024. Dette er ei vidareføring av gjeldande praksis.

### **Svar på oppmodinga**

Vi ber om at det kjem tydeleg fram av vedtaket kor mange flyktningar kommunen vedtek å busette i 2023. Vi oppfordrar til å gjere vedtak i tråd med talet det er oppmoda om. Vedtaket skal ikkje inkludere familiegjenforeina eller innehalde andre reservasjonar.

Vi har behov for raskt svar. Ver difor venleg og svar på denne oppmodinga så snart som mogleg, og seinast innan 31. august 2023. Viss det ikkje er mogleg å sakshandsame innan fristen, ber vi om beskjed om når svaret kan vere klart. Vi legg til grunn at busettinga i kommunen kan halde fram i påvente av politisk handsaming i kommunen, i tråd med gjeldande praksis.

Når det er gjort eit vedtak, ber vi kommunen om å:

- sende skriftleg kopi av vedtaket til [post@imdi.no](mailto:post@imdi.no) med kopi til KS ved [nina.gran@ks.no](mailto:nina.gran@ks.no) og til fylkeskommunen
- registrere vedtakstalet i IMDi sitt fagsystem for busetting (IMDinett) etter at oppmodinga er mottatt digitalt

**Kontakt**

Ta kontakt med IMDi ved spørsmål kring oppmodinga.

IMDi sitt kontaktsenter har telefon 40 00 19 60 og e-post: [post@imdi.no](mailto:post@imdi.no).

Med venleg helsing,  
for Integrerings- og mangfaldsdirektoratet,

Lisbeth Fransplass Røren  
Konstituert direktør

**Mottakarar:**

Alver kommune

**Kopimottakarar:**

KS-kommunesektorens organisasjon  
Vestland fylkeskommune

**Arkiv:** <arkivID><jplD> FA-F31  
**JournalpostID:**  
**Sakshandsamar:**  
**Dato:** 08.12.2022

Saksframlegg

| Saksnr. | Uttal              | Møtedato   |
|---------|--------------------|------------|
| 174/22  | Alver kommunestyre | 15.12.2022 |

## Busetting av flyktningar i 2023

### Kommunedirektøren sitt framlegg til vedtak:

Kommunestyret godkjenner å busetje 180 flyktningar i 2023 tråd med oppmodingar frå IMDI. Vedtaket inkluderer ikkje familiesameinte.

Kommunestyret er positiv til å busetje fleire flyktningar enn oppmodingstalet for 2023, men ber om ny sak om dette skulle bli aktuelt.

Alver kommune er ikkje bedt om å busetje einslege mindreårige. Kommunestyret ber om ny sak om IMDI kjem med oppmoding om dette.

### Alver kommunestyre 15.12.2022:

#### Handsaming:

Kommunedirektøren sitt framlegg vart samrøystes vedteke.

### KO- 174/22 Vedtak:

Kommunestyret godkjenner å busetje 180 flyktningar i 2023 tråd med oppmodingar frå IMDI. Vedtaket inkluderer ikkje familiesameinte.

Kommunestyret er positiv til å busetje fleire flyktningar enn oppmodingstalet for 2023, men ber om ny sak om dette skulle bli aktuelt.

Alver kommune er ikkje bedt om å busetje einslege mindreårige. Kommunestyret ber om ny sak om IMDI kjem med oppmoding om dette.

### Politisk handsaming

Saka skal avgjerast i kommunestyret

### Bakgrunn

Kvart år oppmodar Integrerings- og mangfaldsdirektoratet (IMDI) kommunar om å busette eit bestemt tal flyktningar i det komande året. Oppmodingstalet er sett ut i frå nasjonale prognosar for trong for busetting.

2022 var eit ekstraordinært år som fylgje av situasjonen i Ukraina. Alver kommune vedtok å busetje 180 flyktningar i tråd med oppmodinga frå IMDI. Oppmodinga frå IMDI i 2022 var tufta på eit estimat på 35.000 flyktningar til Norge. Estimatet for 2023 er lagt på same nivå som for 2022 og Alver kommune er bedt om å busetje 180 flyktningar også i 2023. Oppmodingstalet

inkluderer ikkje familiesameinte.

I brevet frå IMDI står det at estimatet for 2023 er særst usikkert. IMDI ber difor kommune ta høgde for at busettingstalet kan endrast. IMDI skriv «I året som kjem vil kommunane nok ein gong spele ei nøkkelrolle i korleis Noreg handterer den største masseflyktsituasjonen i vår tid».

IMDI ber om tilbakemelding frå kommunane på fylgjande fem punkt:

1. Det må kome tydeleg fram av vedtaket kor mange flyktningar kommunen vedtek å busetje i 2023.
2. Vi oppfordrar kommunane til å fatte vedtak i tråd med talet det er oppmoda om.
3. Vedtaket må ikkje inkludere familiesameinte eller innehalda anna reservasjonar
4. Vi ber også om ei vurdering av kor mange flyktningar (herav einslege mindreårige) kommunen poteniselt kan busetje i 2023 viss behovet aukar.
5. Vidar ber vi om ei vurdering frå kommunen om kva som skal til for å oppretthalda ein høg kapasitet for busetting i kommunen.

Det er venta at det framleis vil vere særleg kvinner, barn og eldre flyktningar frå Ukraina som vil kome til Noreg. Det betyr at kommunale tenester retta mot desse gruppene må ha tilstrekkeleg kapasitet – til dømes bustader, skule- og barnehageplassar, vaksenopplæring og helsetenester, samt introduksjonsprogram.

Det føl finansiering med kvar flyktning kommunen buset. Finansieringa er meint å skulle dekke dei kostnadene kommunane har ved busetting. Kommunen mottok støtte for kvar busett flyktning i fem år. <https://www.imdi.no/tilskudd/integreringstilskudd/>

## **Vurdering**

Alver kommune har per dags dato busett 195 flyktningar i 2022.

Kommunedirektøren vurderer at Alver kommune har arbeidd godt med busettingsarbeidet i 2022. At så mange private huseigarar var villige til å leige ut vart heilt avgjerande for at Alver kommune kunne busetje i tråd med oppmodingstalet for 2022. Kommunen vil og i 2023 være avhengig av den private bustadmarknaden for å kunne møte busettingstalet. Det er vanskeleg å gje ei konkret vurdering av kor mange av dei nye flyktningane som kan husast i private bustader og kor mange kommunale bustadar som kan frigjerast til formålet. Kommunen må og vurdere å investere i nye bustader.

Det har vore eit prinsipp i bustadarbeidet å ta i bruk heile kommunen. Hadde busstilbodet vore betre kunne kommunen nytta fleire bustader som i dag ikkje er nytta. Vi vil ta kontakt med Skyss for å leggje fram denne problemstillinga. Kommunedirektøren legg vekt på at vi neste år som i år må arbeide med ulike løysingar parallelt med tilkomsten av flyktningar. Vi må være forberedt på å nytta midlertidige løysingar og ta høgde for at fleire må rekne med å bu trongt.

Det er etablert eit godt apparat som arbeider rundt tenestene og det er sett i verk gode rutinar for oppfølging av flyktningane. Dei flyktningane som kommunen no får oppmoding om busetje, er i all hovudsak flyktningar frå Ukraina. Vi må ta høgde for rundt 20-30 overføringsflyktningar.

Kommunedirektøren vil understreke at det er kompetanse i organisasjonen til å busette og integrere flyktningar. Kapasitet må byggjast opp i samsvar med oppmodingstal og vedtak i kommunestyret. I løpet av inneverande år har vi i tillegg til å styke samarbeidet mellom ulike avdelingar som er omfatta av flyktningarbeidet, etablert eige migrasjonsteam. NAV Alver opplever stort engasjement i alle ledd i kommunen i arbeidet med å busetje og inkludere flyktningar. Sentrale aktørar som til dømes skule, barnehage, helse, bustadkontor, teknisk er oppteken av det føl ressursar med oppgåvene som fylgjer med busettingsarbeidet. Det er

ofte er trong for ekstra innsats særleg i den første fasen av busettingstida.

Det har vore stort trykk på vaksenopplæringa slik at det har vore lang venting på oppstart på norskundervisning. Vaksenopplæringa vil tilpasse drifta i 2023 i samsvar med behovet.

Helsemyndighetene reknar med at fleire av dei flyktningane som kjem i 2023 er meir merka av krigen enn dei flyktningane som alt er komen. Det er venta at trong for helsetenester aukar. Presset på helsetenester vil og auke då fleire av våre busette flyktningar frå Ukraina melder at dei vurderer å hente ut eldre familiemedlemmer.

Busette flyktningar har auka born i barnehagar og skular. Totalt sett er det bra kapasitet i barnehagar og skular i Alver kommune, men situasjonen varierer mellom skulane. Vi vil leggje vekt på å så langt det er mogeleg å styre busettinga slik at det tilpassast ledig kapasitet.

Det er vanskeleg å gje eit eksakt tal på kor stor kapasitet Alver kommune har utover oppmodingstalet. Busttingstal på nær 200 i året er det høgaste talet vi nokon gong har busett, og ei ny busetting på same nivå i 2023 vil på same måte som i år krevje mykje av alle tenestene i kommunen. Alver kommune har kome i hamn med oppmodingstalet for 2022. Dette er ikkje situasjonen i alle kommunar. Det er viktig at dei flyktningane vi har busett får eit godt introduksjonsprogram og får god oppfølging mot overgang til arbeid. Kommunedirektøren vil difor råda kommunestyret til å vere tolmodige og sjå korleis situasjonen utviklar seg i løpet av året før vi melder inn ny kapasitet til IMDI.

Når det gjeld spørsmålet om å ta imot einslege mindreårige har ikkje Alver kommune blitt bedt om dette i oppmodingstalet på 180. I tråd med oppmodinga har Alver kommune difor ikkje rigga ei særskilt teneste for å ta i mot einsleg mindreårige neste år. Dersom Alver kommune får ei oppmoding om å ta i mot einslege mindreårige, vil kommunestyret få ny sak om dette. I det tilfelle må Alver kommune etablere ei teneste for dette.

I det ovanståande har kommunedirektøren minna om utfordringane knytt til busettings- og integreringsarbeidet. Kommunedirektøren vil til slutt peike på at mange av dei vi no har busett har god bakgrunn i ein arbeidsmarknad som treng folk.

Busettingsarbeidet i 2022 hadde ikkje vore mogeleg utan den enorme innsatsen som frivillige har gjort. Frivillige i vår region har på nytt vist at Alver-samfunnet kan ta eit tak når situasjonen krev det. Kommunedirektøren må på ny retta seg mot Alver- samfunnet og seie at vi treng den frivillige innsatsen like sterkt i 2023 som i år.

**Vedlegg i saken:**

|            |                                                              |         |
|------------|--------------------------------------------------------------|---------|
| 29.11.2022 | Oppmoding om busetting av flyktningar i 2023 - Alver kommune | 1843670 |
|------------|--------------------------------------------------------------|---------|

**Arkiv:** <arkivID><jpID> FE-255  
**JournalpostID:**  
**Sakshandsamar:**  
**Dato:** 07.06.2023

Saksframlegg

| Saksnr. | Utval              | Møtedato   |
|---------|--------------------|------------|
| 071/23  | Alver formannskap  | 15.06.2023 |
|         | Alver kommunestyre |            |

## Rettet emisjon - Gløde Utvikling AS

### Kommunedirektøren sitt framlegg til vedtak:

1. Alver kommune er positive til å kjøpe aksjar i Gløde Utvikling As, for inntil kr 3.000.000,-. Det er ei føresetnad at dei andre eigarane sluttar seg til utvidinga, utan å krevje umiddelbar innløyising av sine eigardelar.
2. Kommunestyret bed om at Gløde AS utarbeidar naudsynt dokumentasjon og avtaler, som mellom anna sikrar at eksisterande aksjonærer og Alver kommune sine retter og pliktar vert ivareteken.
3. Kommunestyret delegerer til formannskapet å gjere endeleg vedtak i saka, inkludert finansiering ved bruk av disposisjonsfond.
4. Kommunestyret bed kommunedirektøren ta initiativ til at det vert starta opp eit arbeid med mål om fusjon mellom vekstverksemdene som kommunen eig eller er majoritetseigar i.

### Politisk handsaming

Saka skal til innstilling i formannskapet

Saka skal avgjerast i kommunestyret

### Kva saka gjeld:

Gløde Utvikling AS har i vedlagde skriv beskrive deira økonomiske utføre og kome med ynskje om at det vert gjort ei retta emisjon mot Alver kommune på til saman 4-6 million kr.

### Vurdering

Ei retta emisjon krev korrekt sakshandsaming og vedtak før den kan effektuerast. Det er difor viktig å sikre at selskapet og Alver kommune sine handlingar er i tråd med selskapet sine vedtekter, evt aksjonæravtale og aksjelova m forskrift.

Selskapet skriv at det har vore eigarmøte 27.4.23, med orientering og at det ikkje er kome merknader til prosessen. Dette må formaliserast/dokumenterast i generalforsamling 20.6.23, eller før Alver gjer vedtak om kjøp av aksjer.

Det er viktig å sikre alle aksjonærene sine rettar, og at ei kapitalutviding vert gjort i tråd med vedtektene, dersom dette temaet er omtalt i vedtekter eller stiftelsesdokument. Ved å utvide aksjekapitalen i størrelsesorden 2-6 mill. kr. vert dei andre aksjonærene «minoritetsaksjonærer». Dette kan gje oss plikt til å løyse ut dei andre aksjonærene, dersom dei krevjar det. Det vil også være mogleg for Alver kommune å tvangsinnløyse dei resterande aksjane etter ein slik emisjon. Denne retten/plikta oppstår ved eigarskap på meir enn 90% av aksjane.

Før vi gjer endeleg vedtak om å kjøpe aksjar i emisjonen, må vi også fastsetje ei rettvís pris for dei nye aksjane – kr 1 per stykk eller anna pris? Prisen skal akseptrast av oss og dei gamle aksjonærene. Gløde Utvikling AS må

utarbeida naudsynt dokumentasjon, som emisjonsavtale, teikningsblankett(er) med vilkår, framlegg til pris, tidsfristar og andre relevante detaljer.

Vi forutset at aktuelle långjevarar/panthavarar til selskapet, vert haldne orientert om framdrift og konklusjonar i saka om retta emisjon.

Saksframstillinga til selskapet er ikkje tydeleg på konklusjon knytt til storleik på emisjonen Gløde Utvikling AS ynskjer av formannskapet. Administrasjonen vurderer difor dette, som om at det er eit intensjonsvedtak som er «bestillinga».

Kommunedirektøren ser det som mest tenleg med eit intensjonsvedtak i formannskapet 15.6.23 og kommunestyret 22.6.23, kor det vert delegert til formannskapet å gjere vedtak om eventuell ekstern bistand og endeleg avtale om kjøp av aksjar. Dersom det er tilstrekkeleg for selskapet å ha ei avgjersle 5.10.23, kan saka handsamast av kommunestyret.

Prosedyre/dokument for å sikre våre/alle aksjonærane sine interesser, i tråd med aksjonæravtale, forskrift og lov, vert utarbeida av Gløde Utvikling AS.

Det er Alver kommunestyre, på vegne av Alver kommune, som skal godkjenning en eventuell retta emisjon. (Eller formannskapet, om slikt løyve vert delegert).

Denne saka, saman med økonomiske utfordringar i Aufera AS, aktualiserer trongen for å vurdere om våre vekstselskap er best mogeleg organisert. Det kan vere tenleg å vurdere om ei samanslåing av selskapa (inkludert KIM AS) kan vere med å effektivisere og ytterlegare betre drifta av selskapa. Fedje og Austrheim kommunar får tilsendt kopi av denne saka, samtidig som formannskapet i Alver mottek sakspapira. Ved vedtak av prosess, må vi orientere styra i selskapa og involvere sentrale interessentar. Det er viktig å involvere eigarane, styra og samarbeidspartar i det føreståande arbeidet, for å sikre at det vert gjort gode og riktige vurderingar – før endeleg konklusjon er sett.

## Saksframstilling: Emisjon i Gløde Utvikling AS (org 963 399 243)

Sak til formannskapsmøte 08.06.2023 og kommunestyremøte i Alver Kommune 22.06.2023

Glødekonsernet har kontaktet Alver kommune med forespørsel om mulig kapitalutvidelse. Bakgrunnen for henvendelsen er at kommunalt finansierte tiltaksplasser i Gløde har gått med underskudd i flere år som har bidratt til vanskelig økonomi i selskapet. Gløde har hatt to møter med kommunedirektør, Ørjan R. Forthun og ordfører Sara Sekkingstad. Det er riktig å påpeke at kommunen har betalt for de kommunale tiltaksplassene iht. avtale, men regnskapene viser at betalingen ikke dekker Gløde sine utgifter og bidrar til at Gløde AS går med underskudd (se tabell lenger ned).

Glødekonsernet er blitt positivt møtt av kommunedirektør og ordfører som vil ta saken opp i formannskapet og kommunestyre i juni 23. En eventuell emisjon vil i tillegg til å sikre kapital i Gløde, også bidra til vesentlig økt eierandel og endret maktforhold i Glødekonsernet. Målet med emisjonen er å sikre økonomien i selskapet.

### Økonomisk situasjon:

Gløde AS var ut året 2021 et selskap, men pga. tiltaksgodkjenningsregler fra Nav ble attføringsdelen av virksomheten overdratt til datterselskapet, Gløde AS, 1. Februar 2022. Morselskapet, Gløde Utvikling AS gav et lån til datterselskapet, Gløde AS, på ca. 4,1 millioner. Dette ble konvertert til aksjekapital høsten 2022.

Resultatregnskapet viser at vi Gløde AS hatt betydelige underskudd siste årene.

Resultatoppstilling av årsregnskap i perioden 2019-2022 i Gløde AS

| ÅR   | Årsresultat  | Forklaring:                       |
|------|--------------|-----------------------------------|
| 2022 | - 3-3,5 mill | Estimert årsresultatet i Gløde AS |
| 2021 | - 2,3 mill   | Før oppdeling av selskapet        |
| 2020 | -1,1 mill    | Før oppdeling av selskapet        |
| 2019 | -1,3 mill    | Før oppdeling av selskapet        |

Status pr. april 2022 er at egenkapitalen i Gløde AS er tapt pga. underskuddet i selskapet.

Hittil regnskap i 2023 i Gløde AS, for jan/feb: Viser samlet underskudd på kr. -942' mot budsjett: kr - 680' og hittil i 2023 har Gløde AS (datter) lånt kr. 1,5 mill av Gløde Utvikling AS (mor) til drift.

Nedenfor er en tabell som viser årsresultat fordelt på de ulike tiltakene i Gløde. Dette er et regnskap Gløde leverer til Nav hvert år. Nav krever at det ikke er kryssfinansiering mellom tiltakene.

| År   | VTA       | AFT        | Komm.tiltak |  |
|------|-----------|------------|-------------|--|
| 2022 |           |            |             |  |
| 2021 | - 383 019 | -1 076 391 | -875 918    |  |
| 2020 | 171 191   | -5 264     | -1 643 377  |  |

|      |        |         |            |  |
|------|--------|---------|------------|--|
| 2019 | 50 483 | 325 349 | -1 311 786 |  |
|------|--------|---------|------------|--|

Tiltaksregnskapet for 2022 er ikke ferdig, men basert på totalregnskap og at rammene for tiltaket ikke er endret, forventes det et underskudd også for 2022 for de kommunale tiltaksplassene. De kommunale tiltaksplassene forventes å resultere i et minus på ca. 5 mill. i perioden 2019-2022.

For lavt tilskudd på kommunalt finansierte tiltak (KVA-plassar):

Kommunen vedtok regler for kommunale tiltaksplasser november 2022. Satsen som ble lagt til grunn styrker finansieringen noe sammenlignet med den satsen Gløde så langt har mottatt. Denne satsen er imidlertid kun tiltenkt nye plasser og hjelper derfor ikke Gløde sin økonomi. Denne satsen er etter vår mening for lav og bygger på VTA-satsen. VTA-satsen har ikke fulgt pris og lønnsveksten i samfunnet i senere år. VTA-tiltaket bygger på en viss egenproduksjon av deltakerne i VTA som bidrar til at økonomien i attføringsselskapene går rundt. De kommunale tiltakene er tiltenkt personer med liten, eller ingen arbeids- og inntektsevne og derfor må satsen i større grad kompensere for dette inntektsgapet.

Gløde vil henstille Alver kommune til både å øke satsene for eksisterende kommunale tiltaksplasser og i tillegg øke satsen ytterligere for KVA-tiltaket til et bærekraftig nivå. Den nye KVA-satsen utgjør kr. 22 851,-/mnd. Gløde sine løpende utgifter utgjør i snitt kr. 24000,-/mnd pr. deltaker. (Tallene er basert på Gløde sine regnskapstall for 2022) Hittil har Gløde ikke mottatt mer enn ordinær VTA-sats på kr 19 043,-/mnd (pluss betaling for ekstra oppfølgingskostnader når deltaker krever mer oppfølging enn 1:5). Dette gir et underskudd på kr. 5 000,-/deltaker / mnd. For 14 deltakere gir det et underskudd på -840'/år.

Vanskelige år i Gløde:

I tillegg til ovennevnte har Gløde hatt noen svært krevende år som følge av pandemi, tapt omsetning innen våre kjerneområder, samt redusert deltakerantall i AFT-tiltaket. Gløde sine regnskaper for 2022 er ikke ferdige ennå, men det ligger an til et underskudd på ca 3-3,5 mill. i 2022. Dette sier seg selv at det er svært alvorlig og vil ikke kunne fortsette.

Det er iverksatt ulike tiltak for å bedre økonomien i form av bemanningstilpasning og kostnadskontroll. Vi har økt vår omsetning og har også fått flere søkere til AFT-tiltaket i 2023. Utsiktene er derfor bedre nå, men det vil ta tid å komme på rett kjøp.

Gløde er avhengig av å få tilført kapital for å sikre videre drift på kort og lang sikt.

**Eierskap i Gløde Utvikling AS og Gløde AS**

Aksjekapitalen i Gløde Utvikling AS er kr. 169 900,-, hver aksje pålydende 1 kr. Eierfordeling er slik:

| Eigar                         | Aksjer | Eigardel % |
|-------------------------------|--------|------------|
| Alver kommune                 | 85734  | 51,39      |
| Tidlegare Meland Kommune      | 60217  | 36,08      |
| Tidlegare Lindås Kommune      | 17761  | 10,64      |
| Tidlegare Radøy Kommune       | 7756   | 4,65       |
| Hordaland Fylkeskommune       | 11841  | 7,09       |
| Meland lokallag NFU           | 10000  | 5,99       |
| Framo Flatøy AS               | 8960   | 5,37       |
| Norges Handikapforbund Meland | 8000   | 4,79       |

|                                      |               |             |
|--------------------------------------|---------------|-------------|
| Sparebanken Vest                     | 5920          | 3,55        |
| Meland Helselag                      | 6000          | 3,59        |
| Austrheim Kommune                    | 4559          | 2,73        |
| Helge Vidar Larsen                   | 4000          | 2,40        |
| Masfjorden Kommune                   | 3375          | 2,02        |
| Norsk Hydro                          | 2960          | 1,77        |
| Steinar Knudsen                      | 2000          | 1,20        |
| Karl G Oppsahl                       | 2000          | 1,20        |
| Per Sæthre (etterkommere)            | 2000          | 1,20        |
| Ingvald Bastesen                     | 2000          | 1,20        |
| Johan Alv Andersen                   | 2000          | 1,20        |
| Gunnar Vetlejord                     | 2000          | 1,20        |
| Equinor Mongstad                     | 1776          | 1,06        |
| Fedje Kommune                        | 1539          | 0,92        |
| Adv. Olav Jordal (død i 2008)        | 118           | 0,07        |
| Nordhordland Handverk og Industrilag | 118           | 0,07        |
| <b>Totalt</b>                        | <b>166900</b> | <b>100%</b> |

Datterselskapet Gløde AS (org. 928 131 157) sin aksjekapital er NOK 4 166 527 fordelt på 4 166 527 aksjer, kvar pålydande NOK 1,-. Pga. underskudd i datterselskapet er denne kapitalen etter all sannsynlighet tapt.

#### Emisjon:

Det er vanskelig å gi et godt estimat på kapitalbehovet i Gløde AS. Regnskapskontoret Hagel har anbefalt at selskapet tilføres kapital tilsvarende tapt egenkapital, pluss forventet negativt resultat i 2023. Det vil utgjøre ca. 5-6 mill. Basert på inntekts- og utgiftsforventninger i for 2023, forventes negativt resultat på ca. 1 mill. i Gløde AS. Gløde AS jobber hardt snu alle steiner for å bedre økonomien, men det er imidlertid mange faktorer som vi ikke rår over som påvirker resultatet til det bedre eller verre. Tiltakene som iverksette vil med stor sannsynlighet bedre resultatene kommende år, men det tar tid. Vi er avhengige av gode rammevilkår og stabile inntekter fra kommersiell drift og tiltaksdriften for å sikre balanse i regnskapene og etter hvert overskudd.

Tilført kapital vil styrke likviditet og gi oss en buffer slik at Gløde Utvikling AS og Gløde gi oss tid til å komme oss ut av den økonomiske krisen.

Rettet emisjon må eventuelt vedtas av generalforsamlingen og øvrige eiere må frasi seg rett til å gå inn med kapital tilsvarende sin eierandel eller delta i emisjonen. Generalforsamlingen i Gløde skal avholdes 20.06.2023. Saken ble drøftet med eierne i eiermøte 27.4.23. Det var ingen merknader til prosessen.

Frekhaug 19.5.2023

Nils Marton Aadland  
Styreleder

Thomas Knudsen  
Daglig leder